

vel assas in veribus comeduntur. Quod si nollent, non possent ejus esse discipuli. Nos autem sic immolatum Christum manducamus et bibimus, ut integrum eum ad dexteram Patris manere credamus. Et cum semel in distinctione membrorum suorum, in manifestatione corporis sui se obtulerit hostiam viventem, passibilem et mortalem, quotidie tamen sub velamento panis et vini a sancta Ecclesia immolatur, et non in partes scissum neque cruentum corpus ejus fidelium ore percipitur, et hoc est quod dicitur, *non hoc corpus quod videtis manducaturi es*. Neque enim quod de altari sumimus, beatus Augustinus verum corpus esse negaret, qui hoc in plerisque tractatuum suorum locis evidenter affirmat. Unde dicit in quadam sermone de verbis Evangelii : « Quod videtis in altari panis est et calix, quod etiam oculi renuntiant; quod autem fides postulat instruenda, panis est corpus, calix est sanguis. » Et interpositis quibusdam : « Quomodo panis est corpus, vel quod habet calix quomodo est sanguis? Ista fratres, ideo dicuntur sacramenta,

^a Homil. 5 et in c. *Quia corpus*, De consecrat., dist. 2.

^b Is est Hugo de Pontiniaco, ad quem exstat S.

A quia aliud videtur, aliud intelligitur. » Idem in sermone ad neophytes. « Hoc accipite in pane, quod peperdit in cruce, hoc accipite in calice, quod manavit de Christi latere. » De hac item invisibili corporis Christi assumptione dicit Eusebius Emissenus : « Cum reverendum altare cibis spiritualibus satiandus ascendis, sacrum Dei tui corpus et sauginem fide respice, honora, mirare, mente contingit, manu cordis suscipe, et maxime totum haustu interioris hominis assume. » Possem quidem de Scripturis in hanc sententiam plura [al. plurima] colligere, sed nunc ista sufficient fraternitati tue. Vale.

CCLXXXVIII.

Reverendissimo Patri et domino O. Dei gratia abbatⁱ Majoris Monasterii sanctoquo et in Christi charitate juncto conventui H. Pontiniacensis ^b, et B. ^c Clarævallensis, spiritu ambulare, et querere semper non pigre faciem Dei Jacob Charitas fratres, etc.

(Exstat inter epistolas S. Bernardi, n. 397, al. 387.)

Bernardi ep. 53

^a Bernardus, qui cum dicto Hugone scribit ad Honorium papam epist. 46 et 49

ADDENDA.

S. IVONIS EPISTOLE ET DIPLOMATA.

QUÆ IN OPERUM EJUS EDITIONIBUS DESIDERABANTUR.

I

E P I S T O L A E.

I.

Ad Paschalem II pontificem Romanum, pro cœnobio S. Petri Carnotensi.

PASCHALI summo pontifici, Ivo, humilis Ecclesiæ Carnotensis minister, cum debita obedientia quidquid in terrenis et cœlestibus desiderare et sperare potest mens humana.

Cum auctoritate apostolica moniti, et muniti, paci ecclesiasticæ, et quieti monasticæ operam dare debemus, in quibus ad hoc implendum nisibus nostris non sufficimus, apostolicam sedem consulere cogimur, ut eam sentiamus adjuvantem, quam habuimus imperantem, quatenus excellentiæ apostolicæ non incongrue dicamus : « Da quod jubes, et jube quod vis. » Quod ideo celsitudini vestræ prælibavimus, quia volumus notum esse sollicitudini vestræ in suburbio Carnotensi situm esse monasterium in honore B. Petri, ab antecessoribus meis fundatum, et de bonis Carnotensis Ecclesiæ, prout facultas ferre potuit, ampliatum in quo aliquando religio viguit, aliquando tenuit, cum, sicut mos est, deficiente integritate prælatorum, subsequi non potuit sanitas subditorum. Sed quia, Deo præveniente, et nonnulo studio nostro cooperante, in prædicto monasterio religionis vigor restoruit, necessariam monasterii quietem vellemus eidem monasterio provi-

D dere, et ab angariis et gravaminibus, quæ sua quærentes archidiaconi ibi facere moluntur, penitus liberare; quod etiam quidam antecessores nostri se fecisse putaverunt, sed libertas illa integras vires non habuit, quia apostolica auctoritate munita non fuit. Postulat itaque prædicti monasterii tota congregatio ut, per mediationis nostræ mediocritatem, idem monasterium cum suis appendiciis sub tutelam sanctæ Romanæ Ecclesiæ suscipiatur; et libertas, quam prædecessores nostri monasterio, et possessionibus monasterii concesserunt, salvo jure Carnotensis episcopi, apostolica auctoritate roboretur. Quod enim principalis clavis per se clauserit, minor clavis aperire non valebit; et quod aperuerit, claudere non valebit. Misinus ergo quemdam prædicti monasterii fratrem præsentium latorem, qui plenius, et specialius ea quæ liberari et defendi apostolica auctoritate convenit, nominatim determinet; et instrumenta confirmare [f., confirmatæ] libertatis nobis reportet.

II.

Ad Adelam comitissam Blesensem.

(Edidit ex autographo Majoris Monasterii æri inc. sam Mabillonius, *De re diplomatica*, p. 385.)
[vo], humilis Ecclesiæ Carnotensis minister.
A[DELE] nobili comitissæ salutem.

Semota omni mundana cupiditate, piam vestram intentionem laudo quod ecclesiam S. Martini de Valls, quae olim monasterium fuit, in antiquum statum reformare desideratis; simulque consulo ut quod pie desideratis, ad celerem effectum caute perducere studeatis, ne antiquus hostis intentionem vestram præpediat et ad desideratum finem pervenire non sinat. Ego enim ad hoc implendum, prout ratio et facultas permiserit, et consilium promitto et auxilium. Valete

III.

Ad Goffridum Vindocinensem abbatem. — De non reiteranda infirmorum unctione.

(Est epistola vicesima libri II Epistoliarum Goffredi Vindocinensis abbatis. — Vide Patrol. t. CLVII.)

IV.

Ad Guillelmum Rothomagensem archiepiscopum.

(Opp. Guiberti Novigentini, edit. d'ACHERY, append., pag. 689.)

GUILLELMUS, Dei gratia, Rothomagensium archiepiscopo, Ivo, humilis Ecclesiæ Carnotensis minister, salutem et servitium.

De clero præsentium portatore, qui inordinate et proprio saltu, cum non esset benedictus in clericum, et in subdiaconum se fecit ordinari, sublimati vestræ respondeo, quia, si rigorem justitiae tenere vultis, nec in acceptis inordinate ordinibus eum ministrare permittetis, nec ad superiores gradus eum

A promovebitis. In decretis enim pontificalibus legitur quia, quod contra leges præsumitur, per leges dissolvi meretur. Si autem honesta vita ejus aut utilitas ecclesiastica ita exigit, potestis ei dispensatorie, dato clericatu cum debita satisfactione, eam misericordiam impendere, ut cum sacram ordinationem vos celebrare contigerit, humiliato corde et corpore sacris ordinationibus intersit, non ut reordinetur, sed ut competentibus verbis in acceptis ordinibus confirmetur. De talibus excessibus impendenda misericordia propriam sententiam ad manum non habeo, sed pro simili negotio dispensatoriam Alexandri papæ secundi sententiam vestrae discretioni transmittio. Cujus exemplo munitus, si vobis dignum fuerit, habita ratiocinatione potestis et accepta confirmare, et nondum accepta concedere. Sententia autem hæc est: « Alexander secundus Rumaldo Constantiensi episcopo: Sollicitudo dilectionis tuæ nos studuit consulere utrum portitor litterarum istarum diaconatus et presbyteratus officium idoneus sit peragere, necne, cum ad id præpropero cursu, videlicet sine subdiaconatus ordine, negligentia potius quam superbia, cognoscatur ascendiisse. Unde nos consulendo charitati vestræ mandamus ut ab officio sacerdotali eum prohibeas, donec proximo Quatuor temporum jejunio, subdiaconatus ministerium sibi rite imponas, et sic deinceps ad majora officia eum redire concedas. Vale. »

II

DIPLOMATA.

I.

Chartera pro ecclesia Sanctæ Mariæ et Burgomedio.
(BERNIER, Hist. de Blois, p. 8, ex archivio monasterii Burgimellii.)

Ego Ivo, Dei gratia Carnotensis episcopus, notum esse volo cunctis Ecclesiæ fideliibus, tam præsentibus quam futuris, quia Adela comitissa, Stephani comitis uxor, divini amoris igne succensa, augmentandæ religionis desiderio inflammata, humilitatem nostram humiliiter adiit petens ut libertatem ecclesiæ Sancte Mariæ de Burgomedio, ejus canonicorum et aliorum clericorum eidem ecclesiæ famulantium, nec non eorum servientium, ab Odone comite et Bertha uxore ejus olim factam per antiquitatem aliquantulum imminutam, sed per eam diligentissime reformatam, auctoritate nostræ excommunicationis confirmaremus. Nos itaque justæ petitioni, justique desideriis assensum præbentes cum grege nobis commisso, violatores ejus libertatis excommunicamus, et a liminibus sanctæ dictæ ecclesiæ sequestramus, tam eos, quam eorum ad prædictam libertatem infringendam factores. In infirmitate a presbyteris non visitentur, in hora mortis, corpus et sanguinem Christi non suscipiant, in cœmeterio Christianorum non sepeliantur, æternas gehennæ flamas incurvant, nisi resipientes ad emendationem et satis-

C factionem configerint, et, ut hoc per succendentias tempora firmatum et stabile permaneat, hanc chartam manu propria firmavimus, et manibus prælatorum Ecclesiæ nostræ firmandam tradidimus.

Signum Iovonis episcopi.

Signum Arnaldi decani.

Signum Helduini cantoris.

Signum Wilemi archidiaconi.

Signum Serani subdecani.

Signum Warini subcantoris.

Signum Anselmi Cantuaricensis archiepiscopi.

Signum Fulconis archidiaconi.

Signum Arlonis archidiaconi.

Signum Odonis archidiaconi.

Signum Andree archidiaconi.

Signum Hugonis præpositi.

Signum Gerosii camerarii.

Data Carnotis, octavo Kalendas Julii, anno ab incarnatione Domini 1105, indictione XIII, regnante Philippo rege Francorum, anno regni ipsius XLV:

II.

Chartera Ecclesiæ Carnotensis pro Bernardo abate Tironensi.

(MABILL. Annal. t. V, p. 680, ex archivio Tironensi.)

In nomine sanctæ et individuae Trinitatis, amen. Ecclesia Carnotensis cunctis Christi fideli-

bus præsentibus et posteris salutem et pacem. Salvatoris nostri Jesu Christi ejusque Genitricis Mariae piz matris nostræ admiranda prodigia et præconia nostris in temporibus accidentia cum silere fas non sit, in lucis notitiam educere volentes, omni posteritati notificamus quod cum tribus continuatis diebus nostrum pluribus visiones quædam, ut nunc perpendimus, apparuissent: quibusdam agmen apum dulcissimum nostras adiens sedes, aliis vir monachali redimitus habitu, miro vallatus candore, ipsos a somno excitans; visiones autem ipsas mirificus et suavissimus sequebatur omnium aromatum odor, quas flagitatem duobus perpensantes diebus, ad extreum quænam hæ visiones essent, cujusque rei gratia concernerent, singulis quibusque nostrum per dies, per momenta, per horas solerter discutientibus, missa sancti Spiritus celebrata et ejusdem gratia postulata, paulo post nuntiatum fuit adesse dominum Bernardum reverendum Tironensis Patrem, nostro cœtu loqui deprecantem, qui intromissus in nostro capitulo nobis in eo congregatis, proponensque se cum sua congregatione analle in beate Marie territorio quam principis terreni degere, carrucatam terræ ad coenobium suæ ædificandum congregationi deposcens, a nobis libenter admissus est. Cognoscentes enim ab nudiustertius habitas visiones, libenter eisdem eorumque successoribus dictam carrucatam concessimus cum omni jurisdictione, jure, districtu, et alia quavis libertate spirituali et temporali, et ita libere et quiete tenendam ab ipsis, sicuti ipsam prius tenebamus. Lætabundi autem de eorum adventu, eos, si in carrucata terræ quam eis in territorio nostro de Garzeis concessimus, monasterium sibi ædificant, libertatibus sequentibus immunimus. Volentes siquidem ipsos in pace et tranquillitate soveri, ne mundi crescente malitia super optata per nos pace turbentur; volumus et in perpetuum ipsi monasterio largimur, quod ipsum monasterium et ejus cellæ domus et administrationes præsentes et futuræ, et habitantes in eis præsentes et posteri, soli subsint episcopo Carnotensi, ita quod nec nobis decano et capitulo, nec quibusvis nostris archidiaconis, dignitatibus, officiis, vel præbendis suberunt, nec eoram eis in aliquo respondeant, nec per alium quam per Carnotensem episcopum juridictio spiritualis sive in civili in eos exerceatur; sic tamen et sub hac conditione præmissa a capitulo, archidiaconis, dignitatibus, officiis et præbendis rejicimus et tollimus et episcopo tribuimus, quod abbam Tironensem ad suam synodum episcopus venire vel interesse non compellat, nisi ab eo super aliquibus totum dioceses ecclesiasticum statum concernentibus noviter ordinandis, consilium et consensum exquirientibus, litteratorie sibi insinuatis et expressatis, vocatus et vocandus exstiterit. Licentius enim ipsum abbam sollicitudini et curæ sibi commissæ vacare vellemus. Insuper volentes eos honoribus plus ceteris attolli, quia in territorio nostro degere

A præmaluerunt, volumus et largimur quod Tironensis abbas primo quovis honore primus post episopum emineat. Ut autem eo magis bonis temporalibus accrescat, quo speramus et optamus eos in domo Domini fructus uberes allatueros, volumus et eis in perpetuum concedimus et largimur, quod in quibusunque dominiis et territoriis nostris et sub nobis existentibus ipsi libere acquirere possint, et acquisitum in manu mortua libere in perpetuum teneant et possideant, nullaque calumnia per nos vel nostrum aliquem super hoc eis inferri possit. Ab omni autem consuetudine et exactione sacerdotali ipsi et eorum homines in quibusunque dominiis et districtibus nostris liberi sint et immunes. Ut autem per succendentia tempora hæ nostræ largitiones firmæ eis et validæ permaneant, volumus et largimur nullum ipsis lapsum, nullum in contrarium usum vel possessionem, quin his libertatibus et largitionibus in perpetuum inviolabili gaudeant et uti possint in futurum, his obesse posse; quin imo nos ipsos actus, usus et possessiones vel quasi, ac præscriptions quascunque secutas ex nunc irritamus et annullamus, ac irritaz et nullas, irritosque et nullos decernimus. Volentes hæc decreto legati et quorumcunque superiorum nostrorum in perpetuum firmari, et omnes usus, actus, possessiones vel quasi, et præscriptions secutus quascunque, præmissis per nos largitis contalias, per eum et eos irritari et annulari pro in perpetuum, ac irrita ea omnia per quæ contra venirent et nulla decerni. Unde hæc sub nostrorum Ecclesiam Carnotensem facientium nominum subscriptionibus et signis, manibus nostris factis, ipsis religiosis sub sigillorum nostrorum characteribus unanimi omnium voluntate et assensu duximus concedenda, perpetuam firmitatem illatura

Ego ivo Carnotensis episcopus.

Arnaudus decanus, Gerogius cantor Carnot.

Hugo subdecanus Carnot. Warinus succendor Carnot.

Ansgerius archid. Carnot. Walterus archid. in Duno.

Goslenus archid. in Pisciaco. Rambaudus arch. in Droco.

Odo archid. in Bleso. Landricus archid. in Vindocino.

Gofredus præpositus in Northmannia.

Henricus præpositus in Mazeziro.

Jeraudus præpositus in Euvercio

Hugo præpositus in Ingreyo.

Rodulfus camerarius Carnot.

Stephanus abba sancti Johannis

Data Carpoti manu Wlgrini cancellarii, tertio Nonas Februarii, anno ab incarnato Verbo 1110, regnante in Francia Ludovico Philippi.

III.

Monasterio Bonævallis, petente Bernerio abbe, ecclesiam B. Petri Castrodonensem concedit.
(Edidit D. d'ACHERY in notis ad Guibertum abbatem, p. 664.)

Quoniam dispositiones ecclesiasticarum rerum, episcopali curæ faciendas, decretorum et canonum paginæ concedunt, oportet ipsos episcopos vigilanter attendere, ut qualisunque disceptatio sit inter homines, ut fidelis quis inveniatur; ipsi sibi bene conscientia, pio affectu et sincero intuitu disponant quæ disponenda sunt; illis præcipue manum extendentibus qui renuntiaverunt mundi actibus et nudam crucem Christi nudi secuti sunt. Si enim, ut dicit Regula Patrum, exigente charitate, episcopus servus est plebis, non dominus, multo magis oportet ut eorum quibus mundus crucifixus est minister sit et servus. Quod ego Ivo humilis Carnotensis Ecclesiæ minister attendens, notum facio cunctis Ecclesiæ fidelibus, tam futuris quam præsentibus, quod vir religiosus Bernerius Bonævallensis monasterii abbas humilitatem nostram adierit supplicans, mediante Gauslino ejusdem loci archidiacono, ut ecclesiam Beati Petri in Castro Dunensi sitam, quam per pecuniam de manu laici occupaverant quidam clerici incircumcis, Bonævallensi monasterio concederemus; cuius petitioni, quia saluti animarum convenire mihi visa est, assensum præbens præsente et concedente ipso laico, Odone nomine, qui eam hancenus occupaverat, prætaxatam ecclesiam Bonævallensi monasterio concessimus, eo tenore ut clerici præbendas suas in vita habeant, si caste vixerint, et in ipsa ecclesia, sicut decet, Deo servierint. Si autem prædicti clerici criminaliter deliquerint, aut ecclesiæ servire noluerint, episcopali judicio ab ecclesia eliminentur, et præbendæ usibus monachorum maneiperint.

Adjecimus etiam ut quidquid de casamento habet eus Carnotensis Ecclesiæ, concessione possidentium et præsidentium, per annum et diem quiete possederunt, de cætero nostra concessione quiete possideant, salvo legum tramite, et salvo in omnibus jure Carnotensis Ecclesiæ. Confirmamus etiam eis capellam Sancti Vincentii, quæ Carnoti sita est juxta portam Cinerosam, quam dedit eis Hugo vicecomes.

IV.

Instrumentum fundationis monasterii S. Joannis in valle Carnotensi

(Ex veteri charta eccles. S. Joan. Valiacensis. — Hoc instrumentum, ut et sequens, exstat inter epistolas Ivonis; edit. Fronteau.)

Quia summi Patris ineffabili misericordia disponente pastoralem curam licet indigni et peccatores, suscepimus, ut assida cordis vigilantia communis utilitatibus et saluti animarum diligenter providere studemus, et ut in vespera nummum recepturi, Dominicae vineæ circumquaque propagines extendamus, superna gratia nostram [mentem] illustrante, et vero

* Vide epist. 91.

A dilecto nostro quasi per compunctionis foramen manum (Cant. v) promotionis et auxilii ad nos extendente, sæpe et multum cogitavimus, et cogitantes investigavimus, qualiter in hac urbe vel in suburbio aliquam haberemus ecclesiam, in qua devota fidelium concio devotam et Deo dignam canonicam ageret vitam. Nunc igitur tandem Salvatoris nostri Jesu Christi magna et inexplicabilis benignitas, quæ bene clamantibus respondere, digne pulsantibus novit aperire, desideriorum nostrorum diutius non differens efficaciam, B. Joannis Valiacensis ecclesiam, locum scilicet opportunum, et tam sacris institutionibus aptissimum, ut pote a populari strepitu civitatis aliquantis per sepositum, nobis obtulit*, et corda quorundam fratribus loci ejusdem beneficia non satis ecclesiastice tenentium sic illustrando præparavit, ut secundum Apostolum, mente exceedingentes non jam sibi, sed Deo velint vivere, et fieri aliquid initium Dei creature. Ego autem [itaque] Ivo, S. Dei matris Ecclesiæ Carnotensis Dei gratia episcopus, communis consilio et assensu totius capituli primatumque nostrorum, in prætaxata S. Joannis ecclesia canonicos tales esse decrevi, qui proprietate posthabita canonicam habeant vitam juxta B. Augustini institutionem. Et quoniam, sine temporalis boni sustentaculo intenti nequeunt esse divino servitio, illis quæ antea possidebant ad victus stipendia superaddidimus præbendæ unius cuiusque fratris de congregatione nostra defuncti sive monachilæ vel canonicalem b, habitum suscipientis, seu Jerosolymam, vel in eremum proficiscentis, si præbendam dimiserit, vel sæculo renuntiantis, vel metu mortis seu infirmitate, vel pro malo introitu præbendam suam dimittentis, totos redditus per integrum annum, ut in singulis diebus unius integri anni missas celebrent pro anima fratris cum defunctus fuerit. Concedimus etiam ut ecclesia B. Joannis in ecclesia B. Mariæ perpetualiter habeat præbendam, quam habebat abbas Albertus cum canonicam susciperet normam. Dedimus et ecclesiam B. Stephani, et omnia ad eam pertinentia, altare scilicet de Morentiaco cum parte synodi ad altare pertinentis, nec non et ecclesiam de Mundonis villa liberam a synodo et circada, et omni exactione; pariterque servos et ancillas, et terras sive cultas, sive incultas. Concedimus etiam Sanctæ Fidis ecclesiam, et ecclesiam de Luciaco, et campi partem illius terræ quam ante possidebamus, et omnes consuetudines terræ B. Joannis, illius scilicet villæ, et terram cum oblatis de Osanivilla tam episcopalem quam canonicalem. Terram etiam de Aucherivilla concedimus. Super hæc dedimus junioratum ecclesiæ de Pontegodonis cum omnibus domibus nostris, et totam avenæ farraginem, et totam nostram terram ultra aquam eo tempore incultam, et furnum ejusdem villæ; decimam quoque molendinorum et vinearum. Confirmamus etiam donum altaris ecclesiæ Serni factum a Goslino canonico et præposito Sanctæ Mariæ, et

b Sic vet. scheda.

domum Vigeriae de Valcia, et totius terrae de Mon- A celis cum omnibus consuetudinibus, actum ab Hugone vicedomino hujus civitatis. Confirmamus quoque donum totius terrae Eddevillæ cum omnibus consuetudinibus et feodis: nec non donum ecclesie Ardueluth cum omnibus hospitiis, et cum terra ad duas carucas. Ut autem hoc nostrum charitatis opus per succendentia tempora firmum ac stabile maneat, litterarum memorie tradi fecimus, et impressione sigilli nostri atque auctoritate et præsentia Joannis et Benedicti Dei gratia cardinalium apostolicæ sedis confirmatum, manibus quoque canonorum nostrorum cæterorumque fidelium dedimus confirmandum. Si quis ergo aliquam huic canonice institutioni calumniam inferre, vel aliud quid adnullare tentaverit, anathemate nostro percussus Deum sibi sentiet iratum; et, nisi digna satisfactione culpam correxerit, poenis infernalibus depunetur [f. deputabitur]. Præterea etiam constituimus, ut si forte abbas supradictæ ecclesiæ defunctus fuerit, vel aliqua canonicali occasione [discresserit], fratres sibi abbatem de eadem congregatione vel alia aliqua regulari, si ibi idoneus inveniri non potuerit, elegant, et ad hanc electionem aliquos sani consilii sibi conjungant. Abbas autem electus in communione capitulo B. Mariæ præsentetur, et ab episcopo recipiat abbatiam, et sicuti alii canonici in ecclesia B. Mariæ suam faciat septimanam.

Ego Joannes cardinal. sanctæ Romanæ Ecclesiæ subscripti.

Ego Benedictus gratia Dei sanctæ Romanæ Ecclesiæ card. subscripti.

Ego Ivo Dei gratia Carnotensis episcopus subscripti. A + Ω.

Signum Ernauldi decani.

Hilduni cantoris.

Guliel. archidiacon.

Seranni subdecani.

Garini succentoris.

Ragibaldi canonici, etc.

V.

Charta qua ecclesia de Hanchis Majori Monasterio conceditur.

(Ex veteri Scheda Petavii.)

Ego Ivo Carnotensis episcopus, et Walterius archidiaconus notum fieri volumus tam posteris quam præsentibus quod Willelmus abbas Sancti Martini Majoris Monasterii cum quibusdam monachis suis nostram adiit præsentiam, humiliiter implorans quatenus ecclesiæ Beati Martini concederemus ecclesiæ de Hanchis quam Paganus, beatæ Mariæ Carnotensis canonicus, tenebat. Prædictus vero Paganus ibi veniens in manu nostra præfatam ecclesiæ absolute dimisit. Nos autem domini Willelmi abbatis et monachorum ejus precibus diligenter aurem accommodantes, salvo jure Ecclesiæ nostre, petitioni eorum graanter annuimus, et supradictam ecclesiæ sicut Paganus eam tenebat, eis habendam et possi-

Ad hunc scribit Ivo epist. 87.

dendam concessimus, ipso ragano intercedente et concedente et fratribus ejus Raherio, Goscelino, Guarino, Amarico concedentibus. Idem vero Raberius frater Pagani qui ecclesiæ decimam laicali usurpatione tenebat, minutus in præsentiarum monachis dimittendo concessit decimas, et decimam de cu' turis monachorum eis concessit habendam post sui discessum. In hoc quoque dono capellam de Hidulphi ponte cum ea parte terræ et aquæ quam eis præsens dimisit, eis perpetuo concessit habendam. Nos etiam sicut præsentialiter nominatim monachis tribuebatur annuimus, ita etiam totum quod in futuro a prædictis fratribus et ab aliis ibi aliquid habentibus promittebatur nominatim habendum charitable concessimus, hæc autem sunt quæ promissa sunt, scilicet terra duorum boum et hospitia cum arpennis terræ. Hujus vero doni concessio facta est anno ab Incarnatione 1114, bis præsentibus quorum nomina subterscrisimus. Ex parte episcopi et archidiaconi fuit Raimbardus Vindocinensis archidiaconus. Ausgerus Blesensis archidiaconus, Gualerannus canonicus, Radaldus ejus clericus, Bernerius regularis canonicus, Radulphus reg. canonicus episcopi Camerarius.

Ex parte vero abbatis, Willelmus prior, Petrus Laidet, Gilo et ejus filius, Gilduinus Hugo hospitalarius.

De famulis Analdus camerarius, Paganus camerarius, Landricus famulus prioris, Gaucelimus, Petrus Burdo, Hubertus Mainbodus.

VI.

Charta de obedientia et subjectione quam Ivoni episcopo Carnotensi et ejus successoribus debent redere monachi de Bello-Loco, quibus hac tantum conditione Ivo permisit monasterium construere et consecrare.

(PETIT, *Theodori Panitentiale*, tom. II, pag. 597, ex cod. m. s. privileg. Ecclesiæ Carnotensis.

In nomine sanctæ et individuæ Trinitatis, Patris, et Filii et Spiritus sancti.

Ego Ivo, licet indignus, Ecclesiæ Carnotensis episcopus, notum fieri volo omnibus tunc præsentibus quam futuris, quod dominus Hugo venerabilis abbas Cluniacensis monasterii cum grege sibi commisso, et maxime Fratres de Charitate parvitatem nostram humiliter adierunt, petentes, ut eis concederem fieri, et consecrari monasterium extra urbem Carnotanam in loco, quem Willelmus ad ædificandum monasterium elegerat. Quorum petitio, quia digna imprestatione, et multis profutura visa est, assensu confratrum nostrorum beatæ Mariæ in supradicto loco monasterium fieri et consecrari concessimus; ea conditionis lege, ut omnem obedientiam et subjectionem mihi et Ecclesiæ mibi commissæ et successoribus meis, quam monachi circumquaque positi, exhibeant: et jura Ecclesiæ nostræ et ecclesiarum ei concessarum, absque meo consensu et capituli Beatæ Mariæ, et successorum nostrorum invadere non præsumant.